



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-19-003152
Sjedište: ul. Jaroslava Černija br. 8, tel: 237-655, 447-741; fax: 440-658, www.viksa.ba
Pogon Vodovod tel: 532-430, Pogon Kanalizacija tel. 668-260 PDV-IB: 200151950004, ID: 4200151950004

2260
1914

SKUPŠTINA KANTONA SARAJEVO

Sarajevo, 14.08.2019. god.

Reisa Džemaludina Čauševića 1

Broj: -6634 / 19

71000 Sarajevo

ANTON KRALJEVIĆ
15.08.2019
Broj: 05 26804-37-969

Predmet: Odgovor na zastupničko pitanje zastupnika Zvonka Marića
(veza broj: 01-05-2684-37/19 od 17.07.2019.god.)

Na zastupničko pitanje zastupnika Zvonka Marića, sa jedaneste radne sjednice Skupštine Kantona Sarajevo, održane 15.07.2019.god., dostavljamo sljedeći odgovor:

Članom 17. Pravilnika o zdravstvenoj ispravnosti vode za piće (Službeni glasnik BiH 40/10) je definisano: „*Subjekt u poslovanju sa hranom koji upravlja javnim sistemom za vodosnabdijevanje obavezan je uspostaviti sistem samokontrole u skladu sa odredbama člana 29. Zakona o hrani (Službeni glasnik BiH, 50/04), kao i posebnih propisa iz oblasti hrane kojima se utvrđuju detaljna pravila za provođenje sistema samokontrole razvijenog u skladu s principima HACCP-a najkasnije dvije godine nakon stupanja na snagu posebnih propisa.*“

Zakonskom regulativom nije definisano da subjekt u poslovanju sa hranom mora imati certifikat o usklađenosti sa principima HACCP-a već da mora imati uspostavljen sistem samokontrole razvijen u skladu sa principima HACCP-a. U skladu sa članom 29. Zakona o hrani (Službeni list BiH 50/04) za subjekte u poslovanju sa hranom je obavezna uspostava preventivnog sistema samokontrole razvijenog u skladu sa načelima sistema analize opasnosti i kritičnih kontrolnih tačaka (HACCP).

KJKP“ViK“ d.o.o. Sarajevo posjeduje uspostavljen sistem samokontrole razvijen u skladu sa principima HACCP-a. Sistem samokontrole je postojao i u prijeratnom periodu a od 1997.god. laboratorije za kontrolu kvaliteta vode u KJKP „ViK“ d.o.o. Sarajevo posjeduju modernu i sofisticiranu opremu i odgovarajuće kadrove zahvaljujući čemu je uspostavljen efikasan sistem samokontrole u skladu sa zahtjevima pravilnika o zdravstvenoj ispravnosti vode za piće.

Vezano za upit o akreditaciji laboratorije KJKP „ViK“ d.o.o. Sarajevo za analizu teških metala obavještavamo Vas da laboratorija nije akreditirana za analizu teških metala ali se analize teških metala provode prema standardnim međunarodno priznatim analitičkim metodama na modernoj sofisticiranoj opremi (atomska apsorpcijski spektrometar – grafitna tehnika i direktni analizator žive) uz upotrebu certificiranih referentnih materijala, a analitičari koji provode analize imaju odgovarajuću stručnu spremu (diplomirani inženjeri hemije) i posjeduju certifikate o osposobljenosti za izvođenje analize teških metala izdate od strane ovlaštenih predstavnika proizvođača odgovarajućih laboratorijskih instrumenata. Osim toga, laboratorija je učestvovala u međunarodnim međulaboratorijskim poredbenim ispitivanjima (testovi osposobljenosti) kojima je potvrđena pouzdanost rezultata ispitivanja, a u planu poslovanja su predviđena i nova učešća u testovima osposobljenosti kao kontinuirana mjera osiguranja rezultata ispitivanja što je jedan od osnovnih preduslova za akreditaciju po standardu BAS ISO 17025.

Banke: UniCredit Bank dd: 3389002208274753,
Vakufska Banka dd: 1601040000035670,
Sparkasse Bank dd BiH: 199 499 00001979 93

Raiffeisen Bank dd: 1610000063850067,
Intesa Sanpaolo Banka dd: 1549212006139057,



Područje certifikacije:
Proizvodnja i distribucija vode i
odvođenje otpadnih voda

KJKP „ViK“ d.o.o. Sarajevo već 22 godine provodi analize teških metala u uzorcima vode sa izvorišta i iz sistema javnog vodosnabdijevanja i nikada se nije desilo da koncentracija teških metala prelazi zakonom dozvoljene vrijednosti. Dakle voda na svim izvorištima i u svim zonama vodosnabdijevanja odgovara svim međunarodnim propisima u pogledu prisustva teških metala (pravilnik o zdravstvenoj ispravnosti vode za piće BiH, preporuke Svjetske zdravstvene organizacije (WHO), referentne vrijednosti Agencije za zaštitu okoliša Sjedinjenih Američkih Država (US EPA) ...itd.

Kantonalna uprava za inspekcijske poslove je u julu 2019.god. uzela pet uzoraka vode iz sistema javnog vodosnabdijevanja u nadležnosti KJKP „ViK“ d.o.o. Sarajevo i dostavila Zavodu za javno zdravstvo Federacije BiH na analizu teških metala. Rezultati svih analiza izvršenih u Zavodu za javno zdravstvo F BiH su u skladu sa Pravilnikom.

KJKP „ViK“ d.o.o. Sarajevo redovno dostavlja godišnje izvještaje sa podacima o kvaliteti vode Federalnom ministarstvu zdravstva i nikada nismo dobili bilo kakve primjedbe u vezi izvještaja ili kvaliteta vode od strane Federalnog ministarstva zdravstva.

Na osnovu svega navedenog se može pouzdano zaključiti da u vodi u sistemu javnog vodosnabdijevanja u Kantonu Sarajevo ne postoje bilo kakvi problemi vezani za prisustvo teških metala u vodi. KJKP „ViK“ d.o.o. Sarajevo redovno vrši analize teških metala na svim izvorištima u cilju praćenja trenda kvaliteta vode na izvorištu kako bi se u ranoj fazi moglo detektovati eventualno pogoršanje kvaliteta, a do sada nije zabilježen trend koji bi ukazivao na pogoršanje kvaliteta vode.



v.d. Direktor

Erver Hadžiahmetović, dipl.ing.maš.